



## **TOSHKENT DAVLAT YURIDIK UNIVERSITETI REKTORINING B U Y R U G ' I**

---

12.03.2024

155-tm-son

### **Talabalarga hayfsan e'lon qilish to'g'risida**

Bugungi kunda universitetda zamonaviy xalqaro standartlarga javob beradigan yuqori malakali yuridik kadrlarni tayyorlash maqsadida talabalarni ma'naviy-axloqiy tarbiyalash, huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator kompleks choratadbirlar amalga oshirilmoqda.

Shunga qaramasdan ayrim talabalar tomonidan universitet Odob-axloq kodeksi va boshqa hujjatlarni buzish holatlari kuzatilmoqda.

Jumladan, Universitet rektorining 2024-yil 26-yanvardagi "Toshkent davlat yuridik universitetining bakalavriat bosqichi kunduzgi ta'lim shakli 4-bosqich talabalarining 2023/2024-o'quv yili bahorgi semestri davomida bitiruv malakaviy amaliyotini tashkil etish to'g'risida"gi 45-tm-son buyrug'i (keyingi o'rinlarda – universitet rektorining 2024-yil 26-yanvardagi 45-tm-son buyrug'i)ga muvofiq Ommaviy huquq fakulteti 4-kurs talabasi Aitbayev Anvarbek Xaitbayevich Xorazm viloyati Urganch shahar prokuraturasida 2024-yilning 5-fevralidan 12-apreligacha bitiruv malakaviy amaliyoti o'tashi belgilangan.

Ammo, talaba A.Aitbayev bitiruv malakaviy amaliyoti bo'yicha buyruq mazmuni tushuntirilgan hamda bitiruv malakaviy amaliyotini o'tash muddatlari va joyi to'g'risida ogohlantirilgan bo'lishiga qaramasdan, amaliyot o'tash joyiga bormaganligi aniqlangan hamda fakultet dekanati va universitetdagi amaliyot rahbariga xabar bermasdan Toshkent shahar fuqarolik ishlari bo'yicha Yakkasaroy tumanlararo sudida sudya yordamchisi lavozimida 1 shtat birligi asosida ishlab kelgan.

Talaba A.Aitbayev o'z tushuntirish xatida 2024-yilning 5-fevralidan bitiruv malakaviy amaliyotga Toshkent shahrida ishlashi sababli bormaganligini, bu haqida esa dekanatni ogohlantirishni unutganligini ma'lum qilgan.

Talaba A.Aitbayev mazkur harakatlari bilan universitet rektorining 2024-yil 26-yanvardagi 45-tm-son buyrug'i, "Yuridik ta'lim muassasalari (harbiy, maxsus

oliy ta'lim muassasalaridan tashqari) talabalari tomonidan tanishtiruv va bitiruv malakaviy amaliyotni, shuningdek stajirovkani o'tash tartibi to'g'risida"gi nizomning (ro'yxat raqami 2548) 16<sup>4</sup>-bandi uchinchi, to'rtinchi va beshinchi xatboshilari (bitiruv malakaviy amaliyotni tashkil etish va o'tashni nazorat qilish bo'yicha tadbirlarda ishtirok etishi; bitiruv malakaviy amaliyotni o'tash dasturida nazarda tutilgan barcha topshiriqlarni belgilangan muddatlarda, to'liq hajmda va sifatli bajarishi; OTMdan biriktirilgan bitiruv malakaviy amaliyot rahbarining talabi bilan ko'rib chiqish uchun bitiruv malakaviy amaliyotni o'tash to'g'risidagi hisobotini taqdim qilishi), shuningdek, Toshkent davlat yuridik universiteti Odob-axloq kodeksining 5-moddasi (xodim, talaba va doktorantlar O'zbekiston Respublikasi qonunchiligiga so'zsiz rioya qiladilar hamda tegishli o'z xizmat yoki o'qish majburiyatlarini lavozim yo'riqnomalari, mehnat shartnomalari, ushbu Kodeks qoidalari, Universitet Ichki tartib qoidalari hamda boshqa ichki hujjatlarga muvofiq bajaradilar)ga oid talablarini buzgan.

Shu bilan birga, universitet rektorining 2024-yil 26-yanvardagi 45-tm-son buyrug'iga muvofiq Ommaviy huquq fakulteti 4-kurs talabasi Qaxramonov Shoxruz Nabijon o'g'li Jinoyat ishlari bo'yicha Toshkent tuman sudida 2024-yilning 5-fevralidan 12-apreliga qadar bitiruv malakaviy amaliyoti o'tashi belgilangan.

Ammo, talaba Sh.Qaxramonov bitiruv malakaviy amaliyot uchun biriktirilgan sudda yurish-turish qoidalariga amal qilmaganligi holati aniqlandi. Ushbu talaba yuzasidan Jinoyat ishlari bo'yicha Toshkent tuman sudi raisi B.Jo'rayev tomonidan xat kiritilib, unda talabaning tuman sudiga amaliyot o'tash uchun doimiy kelmayotganligi, mehnat intizomi, kiyinish va tashqi ko'rinish odobiga rioya qilmayotganligi hamda amaliy ko'nikmalarni o'zlashtirmayotganligi qayd etilgan hamda universitet rektoridan talaba Sh.Qaxramonovga nisbatan vakolat doirasida chora ko'rish so'ralgan.

Talaba Sh.Qaxramonov o'z tushuntirish xatida 2024-yilning 8-9-fevral kunlari bitiruv malakaviy amaliyot joyiga moddiy ahvoli yomonligi sababli bormaganligini, bundan tashqari belgilangan kiyinish tartibiga ham rioya qilmaganligini ma'lum qilgan.

Talaba Sh.Qaxramonov mazkur harakatlari bilan "Yuridik ta'lim muassasalari (harbiy, maxsus oliy ta'lim muassasalaridan tashqari) talabalari tomonidan tanishtiruv va bitiruv malakaviy amaliyotni, shuningdek stajirovkani o'tash tartibi to'g'risida"gi nizomning (ro'yxat raqami 2548) 16<sup>4</sup>-bandi to'rtinchi va yettinchi xatboshilari (bitiruv malakaviy amaliyotni o'tash dasturida nazarda tutilgan barcha topshiriqlarni belgilangan muddatlarda, to'liq hajmda va sifatli bajarishi; qabul qiluvchi tashkilotning ichki mehnat tartib qoidalari va xodimlari faoliyatining tartibini belgilovchi hujjatlarga rioya qilishi shart) hamda Toshkent davlat yuridik universiteti Odob-axloq kodeksining 5-modda (xodim, talaba va

doktorantlar O'zbekiston Respublikasi qonunchiligiga so'zsiz rioya qiladilar hamda tegishlicha o'z xizmat yoki o'qish majburiyatlarini lavozim yo'riqnomalari, mehnat shartnomalari, ushbu Kodeks qoidalari, Universitet Ichki tartib qoidalari hamda boshqa ichki hujjatlarga muvofiq bajaradilar) va 26-moddasi yettinchi xatboshisi (universitet obro'-e'tibori va nufuziga dog' tushiradigan har qanday harakatlarni sodir etishdan o'zini tiyishga majbur)ga oid talablarini buzgan.

Shuningdek, universitet rektorining 2024-yil 26-yanvardagi 45-tm-son buyrug'iga muvofiq Ommaviy huquq fakulteti 4-kurs talabasi Fayzullayeva Sevara Rustamovna Yashnobod tuman adliya bo'limida 2024-yilning 5-fevralidan 12-apreliga qadar bitiruv malakaviy amaliyoti o'tashi belgilangan.

Ammo, talaba S.Fayzullayeva bitiruv malakaviy amaliyoti bo'yicha buyruq mazmuni tushuntirilgan hamda bitiruv malakaviy amaliyotini o'tash muddatlari va joyi to'g'risida ogohlantirilgan bo'lishiga qaramasdan, amaliyot o'tash joyiga bormagan hamda fakultet dekanati va universitetdagi amaliyot rahbariga xabar bermasdan xususiy amaliyot bilan shug'ullanuvchi notariusda o'zboshimchalik bilan amaliyot o'tab kelgan.

Talaba S.Fayzullayeva o'z tushuntirish xatida 2024-yilning 5-fevralidan bitiruv malakaviy amaliyotga xususiy notariusda amaliyot o'tab yurganligi sababli bormaganligini, bu haqida esa dekanatni ogohlantirishni unutganligini ma'lum qilgan. Talaba S.Fayzullayeva mazkur harakatlari bilan universitet rektorining 2024-yil 26-yanvardagi 45-tm-son buyrug'i, "Yuridik ta'lim muassasalari (harbiy, maxsus oliy ta'lim muassasalaridan tashqari) talabalari tomonidan tanishtiruv va bitiruv malakaviy amaliyotni, shuningdek stajirovkani o'tash tartibi to'g'risida"gi nizomning (ro'yxat raqami 2548) 16<sup>4</sup>-bandi uchinchi, to'rtinchi va beshinchi xatboshilari (bitiruv malakaviy amaliyotni tashkil etish va o'tashni nazorat qilish bo'yicha tadbirlarda ishtirok etishi; bitiruv malakaviy amaliyotni o'tash dasturida nazarda tutilgan barcha topshiriqlarni belgilangan muddatlarda, to'liq hajmda va sifatli bajarishi; OTMdan biriktirilgan bitiruv malakaviy amaliyot rahbarining talabi bilan ko'rib chiqish uchun bitiruv malakaviy amaliyotni o'tash to'g'risidagi hisobotini taqdim qilishi), shuningdek, Toshkent davlat yuridik universiteti Odob-axloq kodeksining 5-moddasi (xodim, talaba va doktorantlar O'zbekiston Respublikasi qonunchiligiga so'zsiz rioya qiladilar hamda tegishlicha o'z xizmat yoki o'qish majburiyatlarini lavozim yo'riqnomalari, mehnat shartnomalari, ushbu Kodeks qoidalari, Universitet Ichki tartib qoidalari hamda boshqa ichki hujjatlarga muvofiq bajaradilar)ga oid talablarini buzgan.

Yuqoridagilarni inobatga olgan holda Oliy ta'lim to'g'risidagi nizom (ro'yxat raqami 1222, 2003-yil 22-fevral)ning 51-band, universitet rektorining 2024-yil 26-yanvardagi 45-tm-son buyrug'i, Yuridik ta'lim muassasalari (harbiy, maxsus oliy ta'lim muassasalaridan tashqari) talabalari tomonidan tanishtiruv va bitiruv malakaviy amaliyotni, shuningdek stajirovkani o'tash tartibi

to'g'risidagi nizomning (ro'yxat raqami 2548) 16<sup>4</sup>-bandi, Toshkent davlat yuridik universiteti Odob-axloq kodeksining 5 va 26-moddasi hamda universitetning Ichki tartib qoidalarining 83-bandiga asosan

**BUYURAMAN:**

1. Universitet Ommaviy huquq fakulteti 4-kurs talabarlari Aitbayev Anvarbek Xaitbayevich, Qaxramonov Shoxruz Nabijon o'g'li va Fayzullayeva Sevara Rustamovnalarga hayfsan intizomiy jazo chorasini qo'llanilsin.

2. Ommaviy huquq fakulteti dekani (Sh.Saydullayev):  
ushbu buyruq mazmun-mohiyatini talabalar e'tiboriga yetkazsin;  
mazkur holat va shu kabi qoidabuzarlik ushbu talabalar tomonidan takroran sodir etilsa, talabalarni talabalar safidan chetlashtirish mumkinligi to'g'risida ogohlantirsin;

ushbu talabalarning shaxsiy hujjatlar yig'ma jildiga buyruq nusxasi tikilishini ta'minlasin.

3. Mazkur buyruq bajarilishini nazorat qilish Yoshlar masalalari va ma'naviy-ma'rifiy ishlar bo'yicha birinchi prorektor A.Xashimhonov zimmasiga yuklansin.

**Rektor v.v.b.**



**I.RUSTAMBEKOV**

Toshkent shahar

**Kiritildi:**

Dekan (fan doktori yoki fan doktori  
(Doctor of Science) ilmiy darajasiga  
yoki xorijiy davlatlarning unga  
tenglashtirilgan boshqa ilmiy  
darajalariga yoki professor ilmiy  
unvoniga ega bo'lgan)

SH.SAYDULLAYEV

**Kelishildi:**

Yoshlar masalalari va ma'naviy-  
ma'rifiy ishlar bo'yicha birinchi  
prorektor

A.XASHIMHONOV



Bo'lim boshlig'i

J.AXMEDOV



Katta yuriskonsult

A.TURSUNOV

